

陝西府縣志輯

中國地方志集成

光緒定遠廳志
光緒佛坪廳志
民國佛坪縣志
民國寶雞縣志

陝西府縣志輯 ⑤③

創修定遠廳志序

丁丑秋 修鳳 庫檄蒞定遠任初下車卽調取志乘闕如也蓋地

處偏隅設廳日淺是以文獻無徵雖然文獻可待而民情難緩

不有志乘何以爲治於是隨時諮訪過事勤求迄今三載粗得

體要乃設局選紳分司其事有疑難者則旁徵典籍互參衆論

間或斷以己意由是始有成焉夫志者記一邑之事也不曰記

而曰志豈非以其事可通於 國史 乎天時下載地利中辨

人事始將以備

朝廷採取而爲 國史 之資乎 國史 之志地理也山川則脉

絡分明疆域則界限無越其志建置也城池必防守盡善公署

定遠廳志 卷首 序

亦相度得宜而其志人物官師也又必善惡備錄仕隱毋遺推

之食貨賦役凡有關於國計民生者靡不詳論得失具載源流

蓋將以寓懲勸昭法戒焉夫豈炫異示博漫無關係卽可稱一

代良史哉 修鳳 不敏竊嘗本此義以自勵然而難言之矣其或

採訪不實則議論多乖好惡不公則賢否易混見聞不廣亦彰

闕難明 修鳳 技鮮三長值此僻遠多故乃欲空所倚傍獨闢洪

荒成此一方文獻也豈不難哉且定本嚴疊幅幘遼濶其間山

川形勢道路險夷以及津梁關隘尤宜切實詳明而窮山邃谷

足跡未遍慮難周知適同里趙祿隆遊戎來訪趙君蓋嘗從余

馳驅邊徼有年雅工繪事卽情其周歷方隅繪圖貼說燦若列

眉可謂具千里於尺幅中矣茲幸全彙粗成復繙閱數四覺分

門別類原委井然庶或不失古人易記名志之義而爲後來者

導夫先路耶今而後吾知廳人士睹是書者忠孝節義必皆有

所感激而天性不少漓也學問經濟必皆知所擴充而人功不

少懈也訟獄由是而衰息風俗由是而敦龐誠盛事也此吾之

所重望也若充類以盡其餘則有俟夫博雅者謹序光緒五年

歲在己卯菊秋朔

覃授通奉大夫

誥授朝議大夫

賞戴花翎

定遠廳志 卷首 序

欽加知府銜陝西定遠廳同知楚南平江余修鳳撰

一、圖一、奇、官、制、圖、六、具、圖、外、部、制、圖、合、圖、一、
二、圖、一、奇、官、制、圖、六、具、圖、外、部、制、圖、合、圖、一、
三、圖、一、奇、官、制、圖、六、具、圖、外、部、制、圖、合、圖、一、
四、圖、一、奇、官、制、圖、六、具、圖、外、部、制、圖、合、圖、一、
五、圖、一、奇、官、制、圖、六、具、圖、外、部、制、圖、合、圖、一、
六、圖、一、奇、官、制、圖、六、具、圖、外、部、制、圖、合、圖、一、
七、圖、一、奇、官、制、圖、六、具、圖、外、部、制、圖、合、圖、一、
八、圖、一、奇、官、制、圖、六、具、圖、外、部、制、圖、合、圖、一、
九、圖、一、奇、官、制、圖、六、具、圖、外、部、制、圖、合、圖、一、
十、圖、一、奇、官、制、圖、六、具、圖、外、部、制、圖、合、圖、一、

定遠廳志例言

志者史之一體周官小史掌邦國之志今 國史一統志是也外史掌四方之志今直省通志及府廳州縣志是也定遠原屬西鄉縣自

國朝嘉慶七年建設廳治迄今七十餘年凡所設施亟應編輯爰倣李氏元度平江志義例恭錄

詔諭於卷首別爲總目十有三曰地理曰建置曰賦役曰食貨曰學校曰祀典曰禮儀曰職官曰武備曰選舉曰人物曰五行曰藝文并仿康氏海武功志例以山川城池之屬併入地理官署市集之屬併入建置祠廟寺觀之屬併入祀典以綱統目以

定遠廳志 卷首 例言

簡御煩計爲類十有三爲卷二十有六總二十餘萬言別爲序次如左云

郡縣有志猶列國之有史例皆恭錄

聖諭於簡首凡所敘述皆上對

朝廷下對天下萬世而言故大吏一律書名宋潛氏說文臨安志亦首載

詔令若我

國家

列聖相承絲綸炳煥凡命官訓士恤民及表章節義普免天下錢漕諸

諭旨雖非一邑所專承而大經大法尤足與典誥並壽故恭錄弁首俾讀者油然而生忠愛之心焉

郡縣志地理地理志之本也志地理者首重輿圖其次則沿革今師顧氏計里開方胡氏虛空鳥道之法繪總圖一四鄉圖各一城圖一衙署學宮壇廟諸圖六其歷代沿革離析合併之由則列表以明至於疆域廣狹山川方向皆隨其脈絡遠近而條貫之其關隘寨堡尤爲邊防緊要關鍵具載應詳卽故城故亭以及殘壘廢塚亦不可畧蓋既藉古蹟資考鏡而未附以風俗苗俗則又驗政治之得失也凡此各目皆併隸地理門作地理志第一

定遠廳志 卷首 例言

郡縣有建置猶古籍中三輔黃圖宮殿疏禁扁諸書之遺意也故春秋之例興作必書今廳治工作或請布建修或官吏捐俸或紳民醴賞自應縷晰備載若武功志併學校於建置謂學校特建置中大端也與修歲月而於一切典章不暇記也茲學校自爲志壇廟列入祀典門特著其切於官民日用者凡五端曰城池曰公署曰公所曰橋渡曰坊表合爲建置志第二

有田則有賦有身則有役卽後世官書專紀田賦者之所自也國朝順治十四年頒賦役全書量賦之多寡定役之繁簡康熙五十二年

詔滋生人丁永不加賦雍正初令丁隨地徵有賦者始有役乾

隆二十七年乃併停編審民尤稱便至

聖祖

高宗朝普免天下錢漕十次蠲豁者不可以億計尤曠古未有之殊典也茲條其子目曰田畝曰科糧曰解支而殿以蠲卹總爲賦役志第三

史家志食貨肇自班氏晉魏隋唐以下皆因之地志家亦沿其例至積貯爲生民大命則有常平義社倉諸法凡皆本周官倉人遺人春頒秋歛之法而增損之耳故條舉物產倉儲之數以備稽考作食貨志第四

學校爲風教所關尤當詳稽儀制俾學者入廟思敬以時習禮

三志應志 卷首 例言

二

於以陶冶樸樸臻明備之休自武功志隸學校於建置謝氏啓昆廣西通志因之且謂樂品禮節皆會典舊章率土通行并粵西獨舉之典而以舊志備載爲非體夫會典通禮豈能家有其書賴志乘可稽藉資法守耳若畧所不當畧將事者於何取則焉歐陽公曰自漢以來史官所紀事物名數降登揖讓拜俯伏興之節用之郊廟朝廷自縉紳大夫從事其間者皆莫能曉習而天下之人至於老死未嘗見也况定遠山陬僻處地瘠民貧典籍缺如幾不知禮樂爲何事是用詳稽會典凡典禮位次牲幣器數樂章之屬悉綴於篇而以學額書籍教條學田及書院義學考棚附焉作學校志第五

治民者先其神今考論祀典自孔子廟別見學校外凡社稷壇壝及諸祠祀以次備及若夫鄉聚叢祠浮屠老子之宮律以陸氏靈壽志之例法當屏汰顧以民誠所寄難概從茲故附見之亦過而存之之義也作祀典志第六

范蔚宗易班氏禮樂志爲禮儀志隋書因之記曰安上治民莫善於禮蓋時王之制尤當率履弗越也伏讀

大清會典通禮通典諸書萃周官儀禮之精損益百王之法實足以廣教化而美風俗也惜山郡偏隅不能家置一編其有終身未獲見者茲檢官民通行公典及祭禮昏禮喪禮之類具著於簡俾良有司與邦之士民習乎其事而喻乎其志庶無失遵

三志應志 卷首 例言

四

道遵路之義作禮儀志第七

百官志出自漢書而唐人廳壁記具書職官姓名占籍任年以掌故所繫不容畧耳考靈壽志例名宦卽於職官中臚列事實不立專門定遠分設曰淺今於鄉民已經立祀者特爲敘述其餘政績卓卓可紀者亦附著焉又定實爲漢班超封邑相沿至今豈宜數典而忘祖故特書之以冠職官之首作職官志第八定當蜀鄂之衝爲行省西南門戶歷代營制無從稽考自嘉慶初教匪滋事以定爲巢穴蔓延鄂蜀秦隴漢南騷動經畧額侯督師勦辦駐軍廳境東馳西擊數載於茲掃穴擒渠卒平寇亂旋籌議三省邊防營制始備今條列營汛而以團練兵事附之

作武備志第九

選舉志肇自唐書宋馬端臨作選舉考謂後世以科目爲取士之途銓選爲舉官之途是科目與銓選不相爲謀進身之途輒不一故立舉士舉官兩門以該之今志舉士曰進士曰舉人曰貢生舉官曰薦辟曰仕宦曰武職而附以職銜封蔭凡附著者律以史例多應從茲然考韓邦靖朝邑志於人物門列其父與兄弟科目事實并及己之仕履武功志載以例入監者二十五人掾史入官者十二人并及武功封贈彼號稱簡貴者尙爾詎不可援爲例乎作選舉志第十

地志爲史氏之流別史有列傳方志亦師其意而人物具紀焉

定遠廳志 卷首 例言

五

唐書藝文有江敞陳留人物志陽休之幽州人物志隋書有吳陽勝桂陽先賢書贊定雖山陬僻壤然十室之邑必有忠信若不細加採擇何以勵清操而維風化茲勤加採訪嚴覈見聞以類洎次曰忠節曰孝行曰善行曰耆壽至貞烈節孝耆婦概以列女賅之作人物志第十一

五行志創自班氏歷史因之馬氏通考乃總災祥二事而名之曰物異鄭氏通志紀災祥不紀徵應蓋其慎也定遠無志可稽而漢中西鄉舊志均列災祥去之則事實無徵歸併則無門可隸考靈壽志亦紀災祥且謂感應之理不可廢也故謹書之而仍用班史之目作五行志第十二

劉昇班志爲藝文著錄之始關中風俗記始以地志而兼及藝文若專錄篇章則自楊慎全蜀藝文志始也後之作者以其非班氏法遂從目錄家例止列書名撮旨要其詩古文則用范石湖吳郡志例分附各條下不另立一門以滌冗濫法誠善矣然詩文有無類可附而實關掌故及風土利弊時事因革者必盡懸置之不可惜乎況定遠爲漢班超封邑中間分併離合雖史冊班班可考而其政治得失皆湮沒無聞今廳治新設凡前賢創置諸記述若不備載源流將後之視今不又猶今之視昔乎茲取其有關民風政理之詩古文等篇而采錄者蓋有以也作藝文志第十三

定遠廳志 卷首 例言

六

定遠廳志目錄

序 凡例 目錄 職名

卷首

詔諭

卷一

地理志一 輿圖

地理志二 沿革 沿革表

卷二

地理志三 疆域 道路 附 鄉里 鎮市

卷三

定遠廳志 目錄

地理志四 山水 堰 附 灘潭 附

卷四

地理志五 關隘 保甲 寨堡 古蹟 古木 附 冢墓 附

義地 附 官山 附

卷五

地理志六 風俗 苗俗 附 風土 附

卷六

建置志 城池 公署 公所 監獄 養濟院 橋渡

塔 附 坊表 附

卷七

賦役志 地畝 科糧 解支 蠲卹

卷八

食貨志

物產 倉儲

卷九

學校志一

學宮 典禮

卷十

學校志二 位次

卷十一

學校志三

陳設 儀注 樂章 禮器 樂器 學額 書籍 教條 學地 書院 田錢 附 考棚 附

定遠廳志

義學

卷十二

祀典志一 壇廟 祠

卷十三

祀典志二 民祀 附 寺觀 附

卷十四

禮儀志一 公典

慶賀 迎詔 行香 迎春 排藉 開印 封印 祈禱 鄉飲 鄉射 上任

卷十五

禮儀志二 祭禮

卷十六

禮儀志三 喪禮

卷十七

禮儀志四 昏禮

卷十八

職官志 封建 官師

卷十九

武備志 營制 營田 附 團練 兵事

卷二十

選舉志一 進士 舉人

目錄

三

卷二十一

選舉志二 貢生 例貢 附 武科

卷二十二

選舉志三 薦辟 仕宦 武職 職銜 附 封典 附 蔭襲 附

卷二十三

人物志 忠節 孝行 善行 耆壽 列女 烈女 烈婦

貞女 節婦 孝婦 壽婦

卷二十四

五行志 祥異

卷二十五

藝文志一文

卷二十六

藝文志二詩

凡爲卷二十有六爲門十有三爲類八十有六附見者二十爲子目二十有五

定步廳志

目錄

四

定遠廳志創修銜名

鑒輯

花翎三品銜儘先補用道署分巡陝安兵備道勞文翺

花翎通司街過缺題奏道漢中府知府調西安府知府林士班

纂修

花翎知府銜定遠廳撫民同知余修鳳

督刊

花翎儘先補用副將定遠營遊擊讓勇巴圖魯陳金凱

儘先補用守備定遠營城守千總姚有章

同修

定遠廳志

職名

定遠廳儒學訓導石雲峯

主簿縣丞用黎壩巡檢李運開

漁渡壩巡檢顧鴻謨

定遠廳司獄誠桂

協修

光祿寺署正銜前甘泉縣儒學訓導王汝翼

揀選知縣壬戌補行甲子科舉人何天亨

候選訓導程敬民

六品銜附生景星照

優廩生董又新

總校

歲貢生蔣紹周

己卯科副貢程學深

生員何敬先

生員張聯輝

生員李順培

採訪

藍翎六品銜甘肅候補直隸州州判辛酉科拔貢王錫珍

中書科中書銜康鳳雲

翰林院待詔銜候選訓導李含輝

定遠廳志

職名

候選訓導萬安

四川試用縣丞張星煌

甘肅候補直隸州州判癸酉科拔貢劉桂明

翰林院待詔銜康璋儒

候選訓導鍾萬粹

候選訓導王沛膏

歲貢生張星煌

歲貢生李聯芳

恩貢生符聯捷

恩貢生劉夢蘭

生	員吳永鐸
生	員馬文紳
生	員王志周
生	員鍾長第
生	員孫錦堂
生	員趙連璧
生	員王恒清
生	員李東昇
生	員王心一
生	員張榮沈
定遠廳志	四
生	員李毓秀
生	員楊慶蘭
生	員魏廷顯
生	員熊兆祥
生	員王朝樑
生	員范宗正
生	員董作新
生	員喻如玉
生	員胡錫榮
例	生柯進聯
貢	

監	監	監	監	縣丞	監	監	監	監	監	者	文	文	文	文	文
生康鼎雲	生康瑜儒	生賀三卿	生馬玉堂	生張學文	生張文思	生馮廷鳳	生王鳳池	生唐美清	生嚴忠林						
職名	五														
監	監	監	監	縣丞	監	監	監	監	監	者	文	文	文	文	文
生胡金祿	生鄭大常	生李鳳岐	民張朝烈	童熊必楨	童柯耀祿	童張金鑑	童康必楷	童錢自明	童唐立功						

定遠廳志卷首	詔諭 恭照 皇清文穎例凡 拾寫處皆頂格寫	定鼎建元詔 順治元年	我國家受	天眷佑肇造東土	列祖邁圖鴻緒	皇考彌廓前猷遂舉舊邦誕膺 新命迨朕嗣服雖在冲齡締念紹庭永綏厥位頃緣賊氛滯熾 極禍明朝是用託重親賢救民塗炭乃方馳金鼓旋奏澄清既 解倒懸非富天下而王公列辟文武羣臣暨軍民耆老合辭勸 定遠廳志 卷首 附論	進懇切再三乃於今年十月初一日祇告	天地	宗廟	社稷卽皇帝位仍建有天下之號曰大清定鼎燕京紀元順治 緒維峻命不易創業尤艱況當改革之初更屬變通之會乃命 酌今準古揆天時人事之宜庶幾吏習民安彰	祖功	宗德之太所有合行條例臚列於後 聖諭十六條 康熙九年	朕惟至治之世不專以法令爲務而以教化爲先其時人心醇
--------	---	---------------------------	------	---------	--------	---	------------------	----	----	--	----	---	--------------------------

良風俗樸厚刑措不用比屋可封長治久安茂登上理蓋法令禁於一時而教化維於可久若徒恃法令而教化不先是舍本而務末也近見風俗日敝人心不古嵩陵成習僭濫多端狙詐之術日工訟獄之興靡已或豪富陵轢孤寒或劣紳武斷鄉曲或惡矜出入衙署或蠹棍詐害良善棹符之劫掠時聞讐忿之殺傷疊見陷罹法網刑所必加誅之則無知可憫宥之則憲典難寬念茲刑辟之日繁良由化導之未善朕今欲法古帝王尚德緩刑化民成俗舉凡敦孝弟以重人倫篤宗族以昭雍睦和鄉黨以息爭訟重農桑以足衣食尚節儉以惜財用隆學校以端士習黜異端以崇正學講法律以儆愚頑明禮讓以厚風俗

定遠縣志

卷首

詔諭

一

務本業以定民志訓子弟以禁非爲息誣告以全良善戒窩逃以免株連完錢糧以省催科聯保甲以弭盜賊解讐忿以重身命等項作何訓迪勸導及作何責成內外文武該管各官督率舉行爾部詳察典制定議具奏

御製訓飭士子文

康熙四十一年

國家建立學校原以興行教化作育人材典至渥也朕臨御以來隆師重儒加意庠序近復慎簡學使釐剔弊端務期風教修明賢才蔚起庶幾機械作人之意乃比年士習未端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加警飭爾諸生其敬聽之從來學

者先立品行次及文學學術事功原委有叙爾諸生幼聞庭訓長列宮牆朝夕誦讀甯無講究必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅毋事浮華軌度式於規繩最防蕩佚子矜挑達自昔所譏苟行止有虧雖讀書何益若夫宅心弗淑行己多愆或蜚語流言脅制官長或隱糧包訟出入公門或唆撥姦猾欺孤陵寡或招呼朋類結社邀盟乃如之人名教不容鄉黨切齒縱幸脫褫扑濫竊章縫返之於衷甯無愧乎況鄉會科名乃掄才大典關係尤重士子果有實學何患困不逢年顧乃標榜虛名暗通聲氣貨緣詭遇罔顧身家又或改竄鄉

定遠縣志

卷首

詔諭

三

貫希圖進取嚮陵騰沸網利營私種種弊端深可痛恨且夫士子出身之始尤貴以正若茲厥初拜獻便已作姦犯科則異時收檢踰閑何所不至又安望其秉公持正爲國家宣猷樹績應後先疏附之選哉朕用嘉惠爾等故不禁反復惓惓茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志甯俟他求哉若乃視爲具文玩愒勿儆毀方躍冶暴棄自甘則是爾等冥頑無知終不能率教也既負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長有司錄之責者並宜

傳集諸生多方董勸以副朕懷否則職業勿修咎亦難追勿謂朕言之不預也爾多士尙敬聽之哉

恩詔加丁不加賦 康熙五十二年

一海宇承平已久戶口日繁地畝並未加增宜施寬大之恩共享恬熙之樂嗣後直隸及各省地方官遇編審之期察出增益人丁止將實數另造清冊奏聞其徵收錢糧但據康熙五十年丁冊定爲常額續增人丁永不加賦用副朕休養生息之至意旌獎務期核實論 雍正元年

諭禮部至治之要首在風化移風易俗莫先於鼓勵良善使人知義倫天則之爲重忠孝廉節之宜敦古帝王勞來匡匡所定遠應志 卷首 詔諭 四

以納民於軌物者舍是無由也朝廷每逢覃恩詔款內必有旌表孝義貞節之條實係鉅典邇來直省大吏往往視爲具文並未廣咨遠訪祇將有力之家囑託賂遺者漫憑郡縣監司之申詳卽爲題請建坊而山林僻壤窮氓耕織之人或菽水養親天性篤孝或柏舟矢志之死靡他鄉鄰嗟歎爲可欽而姓氏不傳於城邑幽光湮鬱潛德消沈者何可勝數爾部卽著傳諭督撫學政諸臣嗣後務期各屬搜羅虛公核詢確據本人鄉評實蹟題奏旌獎勿以匹夫匹婦而輕爲沮抑勿以富家巨族而濫爲表揚以副朕成俗化民實心彰善至意

恩詔旌表節義並立忠義孝弟祠 雍正元年

一旌表節義乃彰善大典每見直省地方有力之家尙能上達而鄉村貧窶之人則多湮沒無聞深可憫惻著督撫學臣及有司遍加採訪務使寒苦守節之家同沾恩澤至節婦年逾四十而身故計其守節已滿十五載以上者亦應酌量旌獎著該部議奏一旌表節義給銀建坊民間往往視爲具文未曾建立恐日久仍至湮沒不能使民間有所觀感著於地方公所設立祠宇將前後忠孝節義之人俱標姓名於其中已故者則設牌面於祠中祭祀用以闡幽光而垂永久著該部議奏

恤老論 雍正元年

諭戶部恩賜老人原爲崇年尙齒而地方賞老人者每州縣動數千金司府牧令上下通同侵扣吏役復任意需索老人十不得一上負曠典罪不容追今飭令督撫嚴查務令有司親自沿鄉訪察照看據實造冊給發不許絲毫侵扣如仍蹈前弊立即參處如督撫奉行不謹朕若訪出必加失察之罪再老人九十以上者州縣不時存問其或孤寡及子孫貧不能奉膳者督撫以至州縣共同設法恤養或奏聞動用錢糧務令得沾實惠

聖諭廣訓序 雍正二年

書曰每歲孟春道人以木鐸徇於路記曰司徒修六禮以節民性明七教以興民德此皆以敦本崇實之道爲牖民覺世之模法莫良焉意莫厚焉我

聖祖仁皇帝入道化成德洋恩普仁育萬物義正萬民六十年來宵衣旰食祇期薄海內外興仁興讓華薄從忠共成親遜之風永享昇平之治故

特頒上諭十六條曉諭八旗及臣省兵民人等自細常名教之際以至於耕桑作息之間本末精粗公私鉅細凡民情之所習皆

靡慮之所周視爾編氓誠如赤子

聖有謨訓明徵定保萬世守之莫能易也朕繼承大統臨御兆人以

聖祖之心爲心以

定遠廳志

卷首

詔諭

六

聖祖之政爲政風夜電勉率由舊章惟恐小民遵信奉行久而或怠用申誥誡以示提撕謹將

上諭十六條尋繹其義推行其文共得萬言名曰

聖諭廣訓旁徵遠引往復周詳意取顯明語多直樸無非奉

先志以啓後人使羣黎百姓家喻而戶曉也願爾兵民等仰體

聖祖正德厚生之至意勿視爲條教號令之虛文共勉爲護身

節用之庶人盡除夫浮薄驕陵之陋習則風俗醇厚家室和平

在朝廷德化樂觀其成爾後嗣子孫並受其福積善之家必有

餘慶其理豈或爽哉

獎勵農民論

雍正二年

朕惟四民以士爲首農次之工商其下也漢有力田孝弟之科而市井子孫不得仕宦重農抑末之意庶爲近古今士子讀書砥行學成用世國家榮之以爵祿而農民勤勞作苦手胼足胝以供租賦養父母育妻子其敦龐樸樸之行豈惟工賈不逮亦非不肖士人之所能及雖榮寵非其所慕而獎賞要當有加其

令州縣有司擇老農之勤勞儉樸身無過舉者歲舉一人給以

八品頂帶榮身以示鼓勵

教樹畜論

雍正二年

定遠廳志

卷首

詔諭

七

養生息數十年來戶口日繁而土田止有此數非率天下農民竭力耕耘兼收倍穫欲家室盈甯必不可得周官所載巡稼之官不一而足又有保介田畯日在田間皆爲課農設也今課農雖無專官然自督撫以下孰不兼此任也其各督率有司悉心相勸並不時咨訪疾苦有絲毫妨於農業者必爲除去仍於每鄉中擇一二老農勤勞作苦者優其獎賞以示鼓勵如此則農民知勸而惰者可化而勤矣再舍旁田畔以及荒山不可耕種之處度量土宜種植樹木桑柘可以飼蠶桑果可以佐食櫻桐可以資用卽榛櫟雜木亦足以供炊爨其令有司督率指畫課令種植仍嚴禁非時之斧斤牛羊之踐踏奸徒之盜竊亦爲民

利不小至孝養牲畜如北方之羊南方之豕牧養如法乳字以時於生計不無裨益總之小民至愚經營衣食非不迫切而於目前自然之利反多忽略所賴親民之官委曲周詳多方勸導庶使踴躍爭先人力無遺而地利始盡不惟民生可厚風俗亦可逕循爾督撫等官各體朕惓惓愛民之意實心奉行儻視為具文苟且塗飾或反以擾民則尤其不可也

恩賞老民令重生計論

雍正四年

朕覽戶部奏銷本章見恩詔內賞給老人一項恒隸各省七十五名賞給絹布等件價銀共八十九萬餘兩米一十六萬五千

定遠廳志

卷首

詔諭

八

餘石等語凡此老人但就民人而言如仕宦紳士商賈僧道皆不入此數之內洪範以壽居五福之首而昔人稱七十為古稀誠以壽為難得而可貴也乃今日老人之多至於如此皆

皇考聖祖仁皇帝六十餘年以來深仁厚澤休養生息凡山陬海澨僻壤窮鄉無不沐浴

鴻慈涵濡大化太和翔洽壽國壽民所以期頤耄耋眉壽首之人至數百餘萬之多所謂老者以壽終幼孤得遂長者皆我皇考之賜也從此益加培養日積月累則民間之享高年介眉壽者更不知如何之眾矣此等老人躬際昌明年登上壽大抵皆居心忠厚力行善事之人即或有一二年少時未盡醇謹者

定遠廳志

卷首

詔諭

九

亦必中年暮齒能自悔悟之人蓋一念修省即荷上天福佑也是國家有培養之恩兼由本人能修善以祇承之非倖而致之者也爾等百姓觀百年之盛事當歡忻鼓舞謹身修德以迓天庥父與父言慈子與子言孝兄弟友恭夫婦和順比閭族黨之間相親相愛無詐無欺革薄從忠循分守法盡除乖戾之氣為國家醕醢良善之民則天地佑善錫福長享遐年此必然之理也但生齒日盛食指繁多則謀生之計不可不講爾等百姓當重農桑以順天時勤開墾以盡地利務本業以戒遊惰謹蓋藏以裕久遠而且節省食用愛惜物力毋縱奢侈毋競紛華毋任意糜費以耗有用之財毋但顧目前而忘經久之計朕以勤儉

先天下宮禁之中於食餘之物皆不忍棄必令人檢取收貯之數年以來所貯米粟已至數十石之多朕臨御萬方尚多方撙節愛養以為嘉惠元元之本爾等小民安可縱口腹之所欲而忘物力之艱難乎爾等誠能體朕諄諄訓誨之意敦善行則心體安務本計則俯仰足惜財用則家室裕人心和樂風俗醇美同為壽考之人長享昇平之福豈非朕之所厚望哉著該部將朕此旨轉發直省督撫通行所屬郡邑鄉村咸使聞知

推廣普濟堂育嬰堂論

雍正四年

諭順天府尹等京師廣甯門外向有普濟堂凡老疾無依之人每棲息於此司其事者樂善不倦殊屬可嘉

聖祖仁皇帝曾賜額立碑以旌好善爾等均有地方之責宜時加獎勵以鼓舞之但年力少壯及游手好閑之人不得借名混入其中以長浮惰而生事端又聞廣渠門內育嬰堂一區凡孩穉之不能養育者收留於此數十年來成立者頗眾夫養少存孤載於月令與扶衰恤老同一善舉爲世俗之所難朕心嘉悅特頒匾額并賜白金爾等其宣示朕懷并倡率資助使之益加鼓勵再行文各省督撫轉飭有司勸募好善之人於通都大邑人煙稠集之處若可以照京師例推而行之其於字弱恤孤之道似有裨益而凡人慌惕惻隱之心亦可以感發而興起也

社會論 雍正五年

定遠縣志 卷首

詔諭

十

社會之設所以預積貯而備緩急原屬有益民生之事朕御極以來令各省舉行曾屢頒訓諭務俾民間踴躍樂輸量力儲蓄不可繩以官法誠以此事非令地方官勸率照看則勢有難行若以官法相繩則又恐勉強催迫轉滋煩擾是以再三訓飭惟期設法開導使眾樂從不致一毫擾累乃爲盡善也數年之內各省督撫中奉行最力者則湖廣總督楊宗仁今據傳敏陸續盤查具奏前來始知湖廣所屬州縣社會一案原報甚多而現貯無幾此中情弊想因不肖有司侵蝕入己或挪移以掩其虧空又或因楊宗仁始初料理此事之時意在銳於舉行而所屬各官迎合其意遂虛報穀石之數以少爲多均未可定總之舉

行社會之法其中實有甚難者我

聖祖仁皇帝深知其難行之處是以李光地奏請而未允張伯行暫行而即罷此實事勢使然也蓋以民間積貯言之在富饒之家自有蓄積雖遇荒歉而無需乎社會之穀則當輸納之時往往退縮不前而貧乏之家其仰給社會固爲殷切而每歲所收僅供生計又無餘粟可納社會以備緩急此責諸民者之難也至於州縣官員實視爲一體者豈可多得今以常平之穀爲國家之公儲關係己身之考成尙且侵欺挪用虧空累累至於民間之社會安能望其盡心經理使之實貯而濟用乎朕之舉行社會實因民生起見又諸臣條奏者多言之鑿鑿是以令各

定遠縣志 卷首

詔諭

十一

省酌量施行以觀其成效何如並非責令一概施行也今湖廣社會虧缺之數即交與傳敏悉心清查分別核實儻穀已如數交倉而州縣侵蝕挪移忍以百姓預備之需充一己之私用者著即於原侵挪之州縣名下嚴追賠補斷不容短少顆粒如或民間原未交倉或交倉之數與原報之數多寡不符者若必欲令民間照數完納恐小民力有未敷未免竭蹶非朕曲體民隱之意傳敏辦理此事必須至公至當方與吏治民生兩有裨益也自古有治人無治法必有忠信樂善之良民方可以主社會之出入必有清廉愛民之良吏方可以任社會之稽查各省官民果能實力奉行而善全無弊朕實嘉之至於繩以官法而好

尙虛名則有司奉行之不善負朕本意矣

訓節儉論 雍正五年

前織造等衙門貢獻物件其所進御用繡線黃龍袍曾至九件之多又見燈幃之上有加以綵繡爲飾者朕心深爲不悅比卽加以誡諭近因端陽令節外間所進香囊官扇等件中有裝飾華麗雕刻精工者此皆費於無益之地開風俗奢侈之端朕所深惡而不取也向來外省諸臣凡有進獻方物朕留於宮中服用者所需實係不多每隨便頒賜諸王內外大臣等所以推廣恩澤也如黃龍繡緞之類既不可以頒賜諸王大臣不過收貯於宮中耳其餘華燦之物在朕用之心中心尙覺不安若賜諸王

定遠廳志

卷首

詔諭

十二

大臣在伊等亦覺非分豈非費於無益之地乎況朕素性實不喜華靡一切器具惟以雅潔適用爲貴此朕摯節愛惜之心本出自然並非勉強數十年如一日者凡外臣進獻惟應量加工價小異於市肆之物卽可見諸臣恭敬之忱何必過於工巧而後見其誠惻乎工匠製造之情喜新好異無所底止見一美麗之式樣初則競相摹倣後必出奇鬬勝以相誇此雕文纂組之風古人所以斥爲奇袤豈可導使爲之而不防其漸乎蓋治天下之道莫要於厚風俗而厚風俗之道必當崇儉而去奢若諸臣進獻之物以奢爲尙又何以訓民間之儉約乎朕觀四民之業士之外農爲最貴凡士工商賈皆賴食於農以故農爲天下

之本務而工賈皆其末也今若於器用服玩之物爭尙華巧必

將多用工匠以爲之市肆之中多一工作之人卽田畝之中少一耕稼之人此逐末之所以見輕於古人也且愚民見工匠之利多於力田必羣趨而爲工羣趨爲工則物之製造者必多物多則售賣不易必至壅滯而價賤是逐末之人多不但有害於農而並有害於工也小民取輕利而趨重利故逐末易而務本難苟爲官者遽然繩之以法必非其情之所願而勢有所難行惟在平日留心時刻爲之勸導使小民知本業之爲貴又復訓飭閭閻尙樸實工作之間不爲華巧如此日積月累遂成風俗雖不必使爲工者盡歸於農然可免爲農者相率而趨於工

定遠廳志

卷首

詔諭

十三

矣至於士人所業在乎讀書明理以爲世用故居四民之首然父兄之教子弟亦當觀其才質如何若果穎悟恂謹可望有成則當使之就學而爲士若愚濁中下之資讀書難通卽當早令改業歸農使之盡力於南畝以爲仰事俯育之資誠恐讀書不成而又蠲識數字曠廢閒遊必至非分妄爲越禮犯法是浮慕讀書之名而不得其道其傷農而害本者爲尤甚亦不可不知戒也朕深揆人情物理之源知奢儉一端關係民生風俗者至大故欲中外臣民黜奢賤末專力於本人人自厚其生自正其德則天下共享太平之樂矣昔人云由儉入奢易由奢入儉難不知奢者取用少而費力多儉者取用多而費力少則由奢入